

a) *Ibinyamitende, velomoteri n'amapikipiki bidafite akanyabiziga ko kuruhande uretse ikinyamitende na velomoteri bidafite umuyobozi :*

- ✓ *Imbere itara rimwe ryera* cyangwa ry'umuhondo cyangwa se risa n'icunga rihishije(itara ndangambere).
- ✓ *Inyuma itara rimwe ritukura(itara ndanga nyuma)*

*Ibi bimaze kuvugwa ntibikurikizwa kubinyabiziga bivuzwe haruguru , iyo kubera uko byahanzwe, bidafite batiri,kandi bikaba bihagaze akanya gato cyangwa kanini murusisiro kimwe no kuruhande rw'umuhanda.*

b) *ibinyabiziga bigendeshwa na moteri bitari velomoteri cyangwa amapikipiki bidafite akanyabiziga ku ruhande :*

- ✓ Inyuma, n'amataza abiri atukura (amataza ndanganyuma)

c) *Imodoka zikuruwe n'inyamaswa, ingorofani, inyamaswa zitwaye imizigo cyangwa zigenderwamo kimwe n'amatungo bigomba kurangwa:*

- ✓ Imbere n'itara ryera cyangwa ry'umuhondo cyangwa se risa n'icunga rihishije (itara ndangambere)

- ✓ Inyuma n'itara rimwe ritukura (itara ndanganyuma)

Ayo mataza ashobora guturuka ku isoko imwe itanga ahagana imbere urumuri rwera cyangwa rw'umuhondo cyangwa se rusa n'icunga rihishije,kandi inyuma igatanga urumuri rutukura cyangwa ayo mataza agasimburwa n'itara rimwe rityerekezo byose urumuri rusa n'icunga rihishije cyangwa ry'umuhondo cyeretse iyo ikinyabiziga cyangwa ibinyabiziga bikomatanye bikururwa n'inyamaswa bifite uburebure burenga metero 6 harimo n'imitwara cyangwa iyo inyamaswa zigize umukumbi w'inyamaswa 6 byibura .ayo mataza ashobora gutwarwa n'umuyobozi cyangwa umuherekeza ugenda ahagereye ibumoso bw'ikinyabiziga cyangwa bw'inyamaswa.

d) *ibinyabiziga bihinga n'ibindi bikoresho byihariye bikoreshe n'ibigo bipatana imirimo:*

- ✓ byaba amataza ateganyijwe ku mugemo b)
- ✓ cyangwa ku mataza ateganyijwe ku mugemo c)

**Ibyo binyabiziga bipfa kutarenza gusa umuvuduko wa kirometero 20 ku isaha kandi uburebure bwazo habariwemo ibyo bitwaye bukaba butarengeje metero 6.**

e) *Ibindi binyabiziga iyo bigenda mu muhanda bigomba kugira :*

- ✓ Imbere,itara ryera cyangwa ry'umuhondo cyangwa risa n'icunga rihishije riri ikuruhande rwibumoso rw'ikinyabiziga.
- ✓ Inyuma,itara ritukura riri kuruhande rw'ibumoso rw'ikinyabiziga.

**Ibinyabiziga bigendwamo n'abana kimwe n'ingorofani n'ibimuga cyangwa abarwayi ntibitegetse kugira ibimyenyetso byerekana iyo byambukiranye umuhanda cyangwa bigenda ku ruhande rwazo**

e) Imirongo y'ingabo z'igihugu zigendera kuri gahunda n'utundi dutako twose tw'abanyamaguru nk'imperekerane cyagwa udutako tw'abanyeshuri bari kumurongo bayobowe n'umwarimu iyo bagenda mu .muhanda, kwisonga hakaba hari abantu barenze umwe:

- ✓ *Imbere, n'itara ryera ritwariwe kuruhande rw'ibumoso n'umuntu uri kumurongo w'imbere hafi y'umurongo ugabanya umuhanda mo kabiri.*
- ✓ *Inyuma, n'itara ry'umutuku ritwariwe kuruhande rw'ibumoso n'umuntu uri kumurongo w'imbere hafi y'umurongo ugabanya umuhanda mo kabiri .*

Impande z'iyi mirongo cyangwa z'utwo dutako; iyo uburebure bwazo burenga metero 6,zigomba kugaragazwa n'itara rimwe cyangwa menshi yera cyangwa y'umuhondo cyangwa asa n'icunga rihishije.